

Në përputhje me Nenin 28 paragrafi 3 i Ligjit 9723/2007 Për Qendrën Kombëtare të Regjistrimit Ky dokument përbën:

**AKTI I THEMELIMI DHE  
STATUTI I  
SHOQËRISË**

**“Albanian Integrated Services” SH.P.K**

**TIRANË / SHQIPËRI**

**AKTI I THEMELIMIT DHE**  
**STATUTI I SHOQËRISË**  
**(“Statuti”) I**  
**Shoqërisë me Përgjegjësi të Kufizuar**  
**“Albanian Integrated Services” SH.P.K**  
**(“Shoqëria”)**

**Neni 1**

**Emri i Shoqërisë dhe forma ligjore**

- 1.1 Në bazë dhe në përputhje me legjislacionin në fuqi në Republikën e Shqipërisë, themelohet Shoqëria **“Albanian Integrated Services” SH.P.K** i ndjekur në mënyrë të pandashme nga shtojca **“SH.P.K”** që përfaqëson formën juridike të saj, së cilës këtej e tutje do i referohemi shkurtimisht si **“Shoqëria”**
- 1.2 Shoqëria ka statusin e Personit Juridik, në përputhje me Ligjin Nr. 9901, datë 14.04.2008 **“Për Tregtarët dhe Shoqëritë Tregtare” (“Ligji për Shoqëritë”)** dhe në përputhje me legjislacionin shqiptar.
- 1.3 Shoqëria fiton personalitet juridik nga moment i regjistrimit të saj në Qendrën Kombëtare të Regjistrimit **(“QKR”)**, në përputhje me Ligjin Nr. 9723, datë 03.05.2007 **“Për Qendrën Kombëtare të Regjistrimit”**
- 1.4 Ortaket e Shoqërisë dhe për shmangien e çdo dyshimi Ortaket themelues, gëzojnë përgjegjësi të kufizuar deri në kufirin e kontributeve përkatëse të tij në kapitalin e përfaqësuar në kuota.
- 1.5 Në çdo dokument, fatura, njoftimet apo publikime të bëra nga Shoqëria, pavarësisht nga mjetet e transmetimit, emri i Shoqërisë duhet të paraprihet ose të ndiqet nga:
- a. Fjalët **“Shoqëri me Përgjegjësi të Kufizuar”** ose **“SH.P.K”**
  - b. Numri unik i identifikimit (NIPT)
  - c. Selinë e regjistruar dhe zyrën qendrore
  - d. Të dhëna nëse Shoqëria është në proces likuidimi

**Neni 2**

**Selia**

Selia ligjore e Shoqërisë do të jetë: **Rruga e Barrikadave, Pall. Invest Soc, Kt 1, Dyq 1, Tirane.** Shoqëria me Vendim të Asamblesë se Ortakeve mund të zhvendosë selinë e saj ose të krijojë një qendër operative në një vend tjetër në Republikën e Shqipërisë. Shoqëria mund të hapë degë ose



linjë prodhimi përfaqësimi në çdo vend Brenda ose jashtë Republikës së Shqipërisë sipas gjykimit të Ortakëve.

### **Neni 3** **Objekti i Aktivitetit të Shoqërisë**

3.1 Objekti i Aktivitetit të Shoqërisë është:

- Ofrim shërbimi IT ne fushën kompjuterike. Printime, Skanime etj dhe riparime te pajisjeve te lartpërmendur, produktet Kancelarie. çdo gjë që ka lidhje me zyrat nga ana kompjuterike, Import - eksport të pajisjeve kompjuterike, kancelarie dhe produkteve të tjera që lidhen me aktivitetin e lartpërmendur
- Zhvillimi I aktiviteteve te ndryshme ne fushën e hoteleri-turizmit, bar-restorant, ngritja e kapaciteteve te nevojshme ne funksion te ushtrimit te këtij aktiviteti. Organizim eventesh dhe promovimin e aktiviteteve te tjera turistike për qytetin. Shërbime në fushën e kulinarisë dhe gastronomisë. Organizim dhe zhvillim trajnimesh në fushën e gastronomisë. Tregtimi, përfaqësimi, importimi -eksportimi me shumicë dhe pakicë i produkteve ushqimore si dhe i produkteve të tjera që lidhen me aktivitetin e lartpërmendur.
- Shërbime ndërmjetësimi për aktivitete te ngjashme me turizmin. Shoqëria mund të kryejë çdo transaksion në lidhje me pasuritë e luajtshme apo ato të paluajtshme ne fushën e turizmit elitare.
- Import-eksport dhe prodhim shitje pije alkoolike dhe vera (me shumice e pakice).

Gjithashtu në përputhje me legjislacionin shqiptar, mund të kryejë dhe realizojë çdo aktivitet, që lidhet direkt ose indirekt, që është pasojë e apo e lidhur me aktivitetet e listuara më lart. Për të arritur qëllimin e mësipërm, Shoqëria mund të ndërmarrë çdo aktivitet dhe shërbim qoftë tregtar, financiar, për dhënie e marrje me qira e hipotekim, që mund të konsiderohet i dobishëm apo i nevojshëm në mënyrë që të arrihet objekti I Shoqërisë.

3.2 Shoqëria mund të ndërmarrë çdo veprimtari që është në përputhje me objektin e veprimtarisë së saj, i lidhur me të dhe në interes të saj.

3.3 Shoqëria mund të krijojë ose të marrë pjesë në shoqëri, sipërmarrje të përbashkëta, partneritete dhe të gjitha format e bashkëpunimit, brenda qëllimit dhe objektivave të saj.

3.4 Shoqëria duhet të zbatojë të gjitha ligjet dhe rregulloret përkatëse. Ajo duhet t'i përmbahet standardeve më të mira etike.

3.5 Shoqëria ka të drejtën të bëjë ndryshime të qëllimit të aktivitetit të saj në çdo kohë sipas këtij

3.6 Statuti.

### **Neni 4** **Kohëzgjatja e Shoqërisë**

Kohëzgjatja e Shoqërisë është për një periudhë të pakufizuar duke filluar nga koha e regjistrimit në



QKR. Për shkaqe dhe arsye të ndryshme, Shoqëria mund të mbarojë aktivitetin e saj në çdo kohë. Kjo do të bëhet në përputhje me normat e Statutit dhe Legjislacionit në fuqi.

#### Neni 5

#### Kapitali i Regjistruar dhe Kontributet në Kapital

5.1 Kapitali i Regjistruar i Shoqërisë është 10.000 LEKE (dhjetë mijë leke). Kuota është e pjesëtueshme, e transferueshme, e trashëgueshme në përputhje me legjislacionin shqiptar.

5.2 Kapitali Themeltar i Shoqërisë prej 10.000 LEKE (dhjetë mijë leke) zotërohet si më poshtë:

1. **"BATTLENET" sh.p.k** me Numër Identifikimi Personit të Tatuashëm (NIPT) M11318005Q me Ortak të Vetëm Z. Ogert Rexha dhe adrese Rruga e Barrikadave, Pall. Invest Soc, Kt 1, Dytq 1, Tirane. Kontributi i kësaj shoqërie në Kapitalin e Regjistruar të Shoqërisë do të jetë në shumën 5.000 (pesë mijë) LEKË, e cila e bën **"Battlenet" sh.p.k** zotërues të 50% (pesëdhjete përqind) të Kapitalit Themeltar të Shoqërisë.
2. **Z. Denis Brahja** i biri i Besnik -ut, lindur në Tiranë më datë **08/08/1981**, identifikuar me Numër Personal I10808124L dhe banues ne Bulevardi "Bajram Curri", pallati 3, shkalla 3, Tirane. Kontributi i tij në Kapitalin e Regjistruar të Shoqërisë do të jetë në shumën 5.000 (pesë mijë) LEKË, e cila e bën **Z. Denis Brahja** zotërues të 50% (pesëdhjete përqind) të Kapitalit Themeltar të Shoqërisë

5.3 Depozitimi i Kapitalit Themeltar të Ortakut në Kapitalin Themeltar të Shoqërisë do të kryhet me një kontribut të vetëm në para dhe do të paguhet dhe depozitohet përmes një llogarie bankare të hapur në një institucion bankar operues në Republikën e Shqipërisë.

5.4 Shoqëria mund të vendosë me deskricionin e saj për mbajtjen e librit të ortakëve, nën kujdesin e Administratorit , me qëllim për të reflektuar çdo të drejtë të Ortakëve apo të drejtë të palëve të treta mbi kuotat e Shoqërisë (Libri i Ortakëve). Libri i Ortakëve do të përmbajë këto informacione:

- Numrin e kuotave të zotëruara nga Ortaku/ët;
- Datën kur Ortaku apo Ortakët ka fituar pronësinë mbi kuotat
- Emrin dhe adresën apo selinë e Ortakut (Ortakëve)
- Vlerën e kuotave përkatëse të zotëruara; dhe
- Të dhëna mbi çdo peng barrësim ose çdo të drejtë tjetër reale mbi kuotat.
- Ortaku (Ortakët) kanë të drejtën, që me anë të kërkesës me shkrim, të kërkojnë një ekstrakt të Librit të Ortakut me vulën e Shoqërisë. Ortaku (Ortakët) ka të drejtën të verifikojë regjistrimin në Librin e Ortakut (Ortakëve) dhe Administratori (Administratorët), nëse kjo kërkohet me shkrim, duhet të sigurojnë asistencën e nevojshme për Ortakun (Ortakët).

5.5 Kuotat do të transferohen në përputhje me Ligjin për Shoqëritë Tregtare dhe do të regjistrohen në Qendrën Kombëtare të Regjistrimit si dhe në Librin e Ortakut (Ortakëve).



**Neni 6**  
**Zmadhimi dhe Zvogëlimi i Kapitalit**

6.1 Në vijim, Ortaku mund të vendosë të zmadhojë ose të zvogëlojë kapitalin e regjistruar të Shoqërisë në çdo kohë në përputhje me nenet e këtij Statuti dhe në përputhje me Ligjin për Shoqëritë Tregtare.

6.2 Shoqëria ka të drejtë të blejë dhe të anulojë kuotat e saj, si rezultat i zvogëlimit të kapitalit të regjistruar.

6.3 Kapitali I Regjistruar mund të zmadhohet nëpërmjet kontributeve në para ose kontributeve në natyrë, si edhe përmes përfshirjes në to të rezervave ose fitimeve apo edhe përmes konvertimit të borxheve në kuota kapitali.

6.4 Zmadhimi i kapitalit të Shoqërisë mund të kryhet përmes sigurimit të kuotave të reja ose rritjes të vlerës nominale të kuotave ekzistuese. Kuotat duhet të regjistrohen dhe vlera e tyre nominale duhet të paguhet plotësisht.

**Neni 7**  
**Drejtimi dhe Organizimi i Shoqërisë**

Drejtimi i Shoqërisë është e ndarë ndërmjet:

- a) Asambleja e Ortakeve
- b) Administratori/ët

**Neni 8**  
**Ortaku /ët**

8.1 Asambleja e Ortakeve është organi më i lartë i vendimmarrjes në Shoqëri.

8.2 Pronësia mbi kuotat i jep zotëruesit të tyre të drejtat dhe detyrimet, siç parashikohen në Ligjin për Shoqëritë Tregtare. Te drejtat dhe detyrimet që rezultojnë nga pronësia mbi kuotat janë të transferueshme në çdo zotërues të ri të këtyre Kuotave.

8.3 Asambleja e Ortakeve ka të drejtën për të vendosur mbi:

- a. Përcaktimin e politikave tregtare dhe të investimit të Shoqërisë.
- b. Ndryshimin e Statutit.
- c. Emërimin dhe shkarkimin e Administratorit (Administratorëve) dhe miratimin e skemave të shpërblimeve të tyre
- d. Emërimin dhe shkarkimin e ekspertëve kontabël të autorizuar të pavarur dhe likuiduesve dhe miratimin e skemës së shpërblimeve të tyre.
- e. Mbikëqyrjen e zbatimit të politikave tregtare, përgatitjen e pasqyrave financiare vjetore, llogarive dhe raportet e ecurisë së veprimtarisë, nga Administratorit.
- f. Miratimin e pasqyrave financiare vjetore dhe raportet e ecurisë së veprimtarisë, mbi bazën e dokumenteve përkatës.
- g. Zmadhimin dhe zvogëlimin e kapitalit të regjistruar të Shoqërisë, mbi bazën e dokumenteve



përkatëse.

- h. Shpërndarja e fitimeve vjetore dhe mbulimin e humbjeve.
- i. Pjesëtimi i kuotave dhe anulimin i tyre.
- j. Përfaqësimi i Shoqërisë në gjykatë dhe në procedime të tjera kundër Administratorit (Administratorëve).
- k. Hapjen e degëve dhe filialeve.
- l. Moszbatimin e nenit 17 të Ligjit të Shoqërisë Tregtare mbi ndalimin e konkurrencës. Çdo çështje tjetër siç parashikohet në nenin 82 të Ligjit për Shoqëritë Tregtare.
- m. Riorganizimin dhe prishjen e Shoqërisë; dhe
- n. Çështje të tjera të parashikuara nga Ligji për Shoqëritë Tregtare.

8.4 Asambleja e Ortakeve mund të thirret për të vendosur për çështjet e mëposhtme, si një kërkesë e detyrueshme e nenit 82 to Ligjit për Shoqëritë Tregtare.

- a. Sipas bilancit vjetor apo raporteve të ndërmjetme financiare rezulton rreziku që aktivët e Shoqërisë nuk i mbulojnë detyrimet e kërkueshme brenda 3 muajve në vazhdim.
- b. Kur ka një propozim për të shitur apo për të disponuar në mënyrë tjetër aktive asete të cilat kanë një vlerë prej më të lartë se 5% të aseteve të Shoqërisë, që rezulton në pasqyrat e fundit financiare të certifikuara.

8.5 Në përputhje me nenin 92 të Ligjit për Shoqëritë Tregtare Asambleja e ortakeve mund t'i kërkojë gjykatës përkatëse anulimin e vendimeve të Administratorit (Administratorëve), kur këto përbëjnë shkelje të rëndë të Statutit apo të Ligjit për Shoqëritë Tregtare.

8.6 Detyrimet e Shoqërisë, janë të garantuara përmes kapitalit e saj, dhe Ortakët kanë përgjegjësi deri në vlerën e kuotave të mbajtura prej tij/tyre, Ortakët nuk kanë përgjegjësi tej vlerës së investimeve të tyre në kapitalin e Shoqërisë (me përjashtim të huave dhe garancive).

8.7 Shoqëria nuk mban përgjegjësi për borxhet apo detyrimet të tjera personale të Ortakëve të saj.

## Neni 9

### Procesi i Vendimmarrjes së Ortakëve

9.1 Asambleja e Ortakeve mund të marrë vendim përmes thirrjes në mbledhje apo në formë të shkruar, në çdo rast kur konsiderohet në të mirë të Shoqërisë.

9.2 Në rast se Asambleja e Ortakëve do të marrë vendim në formën e shkruar, Administratori (Administratorët) do t'i dërgojë Ortakëve tekstin e vendimit të propozuar së bashku me dokumentacionin që mbështet vendimin me poste, faks apo me mjete elektronike të sigurta të paktën shtatë ditë para datës së propozuar për mbledhjen e asamblesë. Asambleja e Ortakeve duhet të miratojë dhe të kthejë vendimin brenda 15 ditëve nga data e dërgimit tek Ortaku/ët të vendimit me shkrim. Asambleja e Ortakeve miraton vendimin duke kthyer një kopje të firmosur të vendimit të shkruar tek Administratori (Administratorët) në selinë e Shoqërisë.



9.3 Vendimet e Asamblesë se Ortakeve të hartuara në përputhje me Ligjin për Shoqëritë Tregtare

dhe këtë Statuti do të kenë fuqi detyruese për Shoqërinë. Vendime të tilla mund të merren jashtë Republikës së Shqipërisë dhe evidenca me shkrim e këtij vendimi duhet t'i dorëzohet Administratorit (Administratorëve), i cili (të cilët) duhet të regjistrojë në Regjistrin e Vendimeve të Asamblesë se Ortakëve.

9.4 Asambleja e Ortakeve thirret për vendimmarrje nga Shoqëria të paktën një herë në vit. Megjithatë kjo thirrje është e detyrueshme në përputhje me rastet e paraqitura në pikën 9.4 të këtij statuti.

9.5 Administratori (Administratorët) duhet të sigurojë që njoftimi i Asamblesë se Ortakeve duhet bërë në përputhje me formën dhe përmbajtjen në nenin 83 të Ligjit për Shoqëritë Tregtare. Mos përmbushja e formaliteteve të njoftimit i bën vendimet e Asamblesë se Ortakeve të pavlefshme, vetëm nëse Ortaket njohin dhe pranojnë parregullsitë, deri në masën e lejuar nga ligji.

9.6 Në rastet ku kërkohet nga ligji, disa vendime të Asamblesë se Ortakeve duhet të noterizohen nga një noter publik shqiptar. Nëse këto vendime janë marrë jashtë Republikës së Shqipërisë, ato duhet të hartohen në përputhje me ligjin Shqiptar për njohjen e dokumenteve të huaja në Republikën e Shqipërisë (p.sh procedurat e apostilimit apo super legalizimit, sipas vendit të marrjes së vendimit).

9.7 Të gjitha vendimet e Asamblesë se Ortakeve duhet të regjistrohen në procesverbal dhe në regjistrin e vendimeve të Asamblesë se Ortakeve. Mbajtur nën kujdesin e Administratorit (Administratorëve) dhe në përputhje me nenin 90 të Ligjit për Shoqëritë Tregtare ("Regjistri i Vendimeve të Asamblesë se Ortakeve"). Të dhënat e hedhura në këtë regjistër nuk mund të tjetërsohen apo të ndryshohen.

## **Neni 10 Administratori/ët**

10.1 Shoqëria administrohet nga një administrator

10.2 Ortakët mund të ndryshojë në çdo kohë nëse e konsideron të nevojshme numrin e administratorëve.

10.3 Administratori mund të jetë i çdo shtetësie dhe emërohen për një periudhë prej pesë vjetësh me të drejtë riemërimi.

10.4 Sipas nenit 95 të Ligjit për Shoqëritë Tregtare dhe nenit 13 të po këtij ligji, i cili citon kushtet e kualifikimit, administratori i një shoqërisë mëmë nuk mund të emërohet, si administrator të një shoqërie të kontrolluar dhe anasjelltas.

10.5 Në rastet e vdekjes, dorëheqjes, largimit, apo diskualifikimit të çdo Administratori/t,



zëvendësuesi i tij duhet të emërohet me vendim të Asamblesë së Ortakëve.

10.6 Ortakët kane të drejtë të largojnë Administratorin (Administratorët) me vendim me shkrim.

10.7 Administratori pranon që marrëdhënia e tyre në Shoqëri bazohet në mirëbesim, në këtë mënyrë vendimi i Asamblesë së Ortakëve për të larguar administratorët konsiderohet një arsye legjitime, në bazë të legjislacionit të zbatueshëm.

10.8 Në rastet kur për lidhjen, ndryshimin dhe zgjidhjen e transaksionit (transaksioneve) kontratës (kontratave) kërkohet një marrëveshje e përbashkët e administratorit (Administratorëve) dhe një marrëveshje e tillë nuk arrihet çështja do t'i referohet Asamblesë së Ortakëve e cila do të zgjidhë çështjen me vendim.

10.9 Asambleja e Ortakeve mund të miratojë vendimin i cili i jep të drejtën Administratorit (Administratorëve) që të përfaqësojnë të gjithë bashkë ose individualisht dhe/ose të drejtën për të kryer disa transaksione.

10.10 Administratori duhet të kryejë në çdo kohë ato veprime të kërkuara nga Asambleja e Ortakeve në përputhje me këtë Statut dhe ligjin.

10.11 Administratori i parë dhe i vetëm i Shoqërisë do të jetë:

**Z. Eduard Godaj** I biri i Cane-s, lindur në **Tiranë** me datë **03/02/1973**, identifikuar me Numër Personal H30203045H, banues ne Rr "Pasho Hysi", Nr 1, Tiranë.

10.12 Administratori mund të hapë llogari bankare me firmë të vetme.

**Z. Eduard Godaj** është i autorizuar të kryejë të gjitha transaksionet e nevojshme për të hapur llogarinë përkatëse me qëllimin e depozitimit të kapitalit të regjistruar të Shoqërisë.

10.13 Shoqëria duhet të rimbursojë Administratorin për shpenzimet e udhëtimeve të arsyeshme të lidhura me prezencën e Administratorit në një vend jashtë vendbanimit të Administratorit në të mirë të Shoqërisë, vetëm nëse ky rimbursim është bërë pjesë e shpërblimit të të njëjtës.

#### **Neni 11**

#### **Te drejtat e Administratorit (Administratoreve)**

11.1 Administratori është përgjegjës për drejtimin dhe përfaqësimin e Shoqërisë.

11.2 Ne veçanti Administratori ka te drejtën dhe detyrimin për te vendosur personalisht dhe te përfaqësojë shoqërinë ne:

- a. Drejtimin e biznesit te Shoqërisë duke zbatuar politikat tregtare te krijuara nga Ortaket.
- b. Te kujdeset për mirëmbajtjen e sakte e te rregullt te dokumenteve dhe librave te kontabilitetit te Shoqërisë.
- c. Përgatisë dhe nënshkruajë bilancin vjetor dhe bilancet e konsoliduara, si dhe raportet te ecurisë se veprimtarinë dhe i paraqet për miratim te Ortaku bashke me propozimin



për shpërndarjen e fitimeve

- d. Krijimin e një sistemi paralajmërimi ne kohen e duhur ne lidhje me rrethanat qe kërcënojnë ekzistencën e Shoqërisë;
- e. Raportimin tek Ortaku ne lidhje me zbatimin e politikave tregtare dhe realizimin e veprimeve te një rëndësie te veçante për veprimet e Shoqërisë;
- f. Supozimin, sipas formës se një marrëveshjeje ose çdo forme tjetër, e çdo sipërmarrjeje te Shoqërisë kundrejt te treteve si dhe transferimin apo blerjen e çdo kuote te Shoqërisë nga apo për palët e treta.
- g. Supozimin, sipas formës se një marrëveshjeje ose çdo forme tjetër, lidhjen e çdo kontrate apo ndërmarrjen e çdo veprimi apo transaksioni.
- h. Te kryeje detyra te tjera te përcaktuara nga Ligji apo Ortaku/et.
- i. Te kryeje regjistrimet dhe dërgojë to dhënat e Shoqërisë pranë Qendrës Kombëtare te Regjistrimit kur është e nevojshme

## Neni 12

### Detyrimi i besnikërisë dhe përgjegjësia e Administratorit

12.1 Sipas detyrimit te besnikërisë te paraqitur ne Nenet14,15,17dhe 18 te Ligjit për Shoqëritë Tregtare, Administratori (Administratoret) duhet te:

- a. te kryejnë detyrat e tyre te përcaktuara nga ligji apo ky Statut ne mirëbesim dhe ne interes te Shoqërisë, duke i kushtuar vëmendje te veçante ndikimit te veprimtarisë se Shoqërisë ne mjedis.
- b. te ushtrojnë kompetencat qe u njihen me ligj ose nga ky statut, vetëm për arritjen e qëllimeve te përcaktuara ne këto dispozita;
- c. te vlerësojnë me përgjegjësi çështjet për te cilat merret vendim.
- d. te parandaloje dhe mënjanojë rastet e konfliktit, prezent apo te mundshëm, te interesave personale me ato te Shoqërisë
- e. te garantoje miratimin e marrëveshjeve sipas dispozitave te pikës 3 to nenit 13 te Ligjit për Shoqëritë Tregtare.
- f. te ushtrojnë detyrat e tyre me profesionalizëm dhe kujdesin e nevojshëm

12.2 Administratori (Administratoret) gjate kryerjes se detyrave përgjigjen kundrejt Shoqërisë për çdo veprim ose mosveprim qe lidhet ne mënyre te arsyeshme me qëllimet e Shoqërisë, me përjashtim te rasteve kur ne baze te hetimit dhe vlerësimit te informacioneve përkatëse, veprimi apo mosveprimi është kryer ne mirëbesim.

12.3 Ne rast te shkeljes se detyrës dhe standardeve profesionale, sipas pikave 18.1 dhe 18.2 te këtij neni, Administratori është i detyruar te dëmshpërbleje Shoqërinë, për demet qe rrjedhin nga kryerja e shkeljes, si dhe t'i kaloje Shoqërisë çdo fitim personal qe ka realizuar gjate kryerjes se këtyre veprimeve te parregullta. Ai ka barrën e provës për te vërtetuar se kryen detyrat e tij ne rregull dhe sipas standardeve. Kur shkelja është kryer nga me shume se një Administrator ata përgjigjen ndaj Shoqërisë ne mënyre solidare.

12.4 Ne veçanti, Administratori është i detyruar te dëmshpërbleje Shoqërinë për demet n.q.s. ne kundërshtim me ligjin kryen veprimet e mëposhtme



- a. I kthen Ortakeve kontributet
- b. I paguan interesa apo disidentë te ortakeve
- c. Shpërndarjen e Aseteve te Shoqërisë
- d. Lejon te vazhdoje aktivitetin e Shoqërisë kur duhet parashikuar qe ajo nuk do te ketë mundësi te paguaje borxhet e saj.
- e. Te japë hua/borxhe

## **VEPRIMTARIA E SHOQERISE**

### **Neni 13**

#### **Ekspertet Kontabël**

- 13.1 Asambleja e Ortakeve emëron ekspertin kontabël të shoqërisë në numrin dhe kohëzgjatjen e përcaktuar nga legjislacioni shqiptar
- 13.2 Eksperti kontabël do të kryejë funksionet e auditivit në përputhje me ligjin shqiptar
- 13.3 Mandati i Eksperteve kontabël do të jetë një vjeçar
- 13.4 Viti Financiar i Shoqërisë fillon me 1 Janar dhe përfundon me 31 dhjetor. Viti i parë Financiar fillon me datën e themelimit te Shoqërisë
- 13.5 Shoqëria do të mbaje llogaritë në lekë dhe në monedhë te huaj

### **Neni 14**

#### **Kuotat e Shoqërisë**

- 14.1 Kuotat e Shoqërisë janë lehtësisht te transferueshme me përputhje me ligjin për Shoqëritë Tregtare dhe ne veçanti me nenin 73 te këtij Ligji
- 14.2 Ortaket mund ti ndajnë kuotat e tyre me qëllimin e transferimit te pjesëve te këtyre kuotave ne përputhje me ligjin Shqiptar për Shoqëritë Tregtare

### **Neni 15**

#### **Shpërndarja e fitimeve**

- 15.1 Ortaket kane te drejtën e përfitimit prej shpërndarjes se fitimit te deklaruar te Shoqërisë bazuar ne bilancin e Shoqërisë te miratuar nga Ortaku/et
- 15.2 Nga fitimet vjetore krijohet një fond rezerve ne përputhje me kushtet e legjislacionit Shqiptar
- 15.3 Shoqëria mund te shpërndaje fitimet tek ortaket vetëm nëse pas kësaj shpërndarje:
  - a. Asetet e Shoqërisë do te mbulojnë plotësisht detyrimet e kësaj te fundit
  - b. Shoqëria ka aktive likuide te mjaftueshme për te shlyer detyrimet qe behën te kërkueshme brenda 12 muajve te ardhshëm
- 15.4 Administratoret lëshojnë një certifikate te aftësisë paguese, e cila konfirmon



shprehimisht se shpërndarja e propozuar e dividendëve përmbush kërkesat e pikës 16.2 me sipër. Ndërsa kur gjendja e Shoqërisë tregon se shpërndarja e propozuar e dividendëve nuk i përmbush këto kritere, administratoret nuk mund të lëshojnë këtë certifikate.

15.5 Administratoret janë përgjegjës ndaj Shoqërisë në lidhje me vërtetësinë e Certifikatës së aftësisë paguese

15.6 Sipas nenit 78 të Ligjit për Shoqëritë Tregtare ortaku/et dhe administratori/ret e shoqërisë kanë përgjegjësi personale për shpërndarjet të cilat bien në kundërshtim me dispozitat e Ligjit për Shoqëritë Tregtare

### Neni 16 Dispozita të ndryshme

16.1 Ky statut mund të ndryshohet ose të zëvendësohet me një tjetër vetëm me vendim të ortakut/eve.

16.2 Riorganizimi, ndryshimi i formës ligjore apo prishja e Shoqërisë do të behet në përputhje me dispozitat e ligjit për Shoqëritë Tregtare.

16.3 Ortaku/et dhe administratori/ret do të veprojnë me parimet e ligjit për Shoqëritë Tregtare dhe në veçanti në përputhje me dispozitat e pjesës së parë, kapitulli 4 të ligjit Për Shoqëritë Tregtare.

16.4 Personat të cilët janë përfshirë në krime të kryera gjatë detyrës së tyre në Shoqëri sipas nenit

163 deri 170 pika a) e Kodit Penal nuk mund të kryejnë funksionet e përfaqësuesit ligjor, administratorit dhe të përfaqësuesit të shoqërisë për një periudhë prej 5 vjetësh nga kryerja e dënimit.

16.5 Shoqëria duhet të përfshijë në raportin e saj vjetor një pasqyre koherente dhe përshkruese, e cila përmban pikat kyçe të rregullave për drejtimin e Shoqërisë dhe praktikave që aplikohen në përputhje me ligjin për Shoqëritë tregtare.

16.6 Ortaku me propozimin e Administratorit/ve, mund të vendosi për krijimin e një fondi rezerve për të përmbushur të papriturat e Shoqërisë ose për barazimin e fitimeve ose për ruajtjen e çdo pasurie të Shoqërisë, ose për çdo qëllim tjetër që ortaku konsideron në interes të Shoqërisë.

16.7 Të gjitha çështjet që nuk janë rregulluar shprehimisht në këtë Statut, i nënshtrohen rregullimit nga dispozitat e Ligjit për Shoqëritë

### ORTAKET E SHOQERISE

Për "BATTLENET" sh.p.k Administratori



Denis Brahja

Tiranë, më 07.02.2024